


Filipino

Unang Markahan – Modyul 4: Pagsulat ng Isang Maikling Tula, Talatang Nagsasalaysay at Talambuhay



Filipino – Ikalimang Baitang**Alternative Delivery Mode****Unang Markahan – Modyul 4: Pagsulat ng Isang Maikling Tula, Talatang****Nagsasalaysay at Talambuhay****Unang Edisyon, 2020**

Isinasaad sa Batas Republika 8293, Seksiyon 176 na: Hindi maaaring magkaroon ng karapatang-sipi sa anomang akda ang Pamahalaan ng Pilipinas. Gayonpaman, kailangan muna ang pahintulot ng ahensiya o tanggapan ng pamahalaan na naghanda ng akda kung ito ay pagkakakitaan. Kabilang sa mga maaaring gawin ng nasabing ahensiya o tanggapan ay ang pagtakda ng kaukulang bayad.

Ang mga akda (kuwento, seleksiyon, tula, awit, larawan, ngalan ng produkto o brand name, tatak o trademark, palabas sa telebisyon, pelikula, atbp.) na ginamit sa modyul na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahintulot sa paggamit ng materyales. Hindi inaangkin ng mga tagapaglathala at mga may-akda ang karapatang-aring iyon. Ang anomang gamit maliban sa modyul na ito ay kinakailangan ng pahintulot mula sa mga orihinal na may-akda ng mga ito.

Walang anomang parte ng materyales na ito ang maaaring kopyahin o ilimbag sa anomang paraan nang walang pahintulot sa Kagawaran.

Inilathala ng Kagawaran ng Edukasyon Kalihim:

Leonor Magtolis Brione

Pangalawang Kalihim: Diosdado M. San Antonio

Bumuo sa Pagsusulat ng Modyul

Manunulat: Gesille G. Grande

Editor: Virginia C. Dulfo, Cresente Beato, Jenita D. Guinoo, Ma. Shiela C. Adona, Lilibeth Dumol- Meliton

Tagasuri: Lorie Emmanuel B. Arago, Aurora B. Amboy, Eleonor G. Distrajo

Tagalapat: Michael Q. Balan, Ryan R. Tiu, Swelyn E. Forro

Tagapamahala:

Ramir B. Uytico

Arnulfo M. Balane

Rosemarie M. Guino

Teodorico C. Peliño Jr.

Joy B. Bihag

Ryan R. Tiu

Bernardo A. Adina

Gaudencio C. Albije Jr.

Lea C. Aberia

Virginia C. Dulfo

Ma. Teresa B. Afable

Shirley B. Bacal

Inilimbag sa Pilipinas ng _____

Department of Education – Region VIII

Office Address: Government Center, Candahug, Palo, Leyte

Telefax: 053 – 323-3156

E-mail Address: region8@deped.gov.ph

Filipino

**Unang Markahan – Modyul 4:
Pagsulat ng Isang Maikling Tula,
Talatang Nagsasalaysay at
Talambuhay**

Paunang Salita

Para sa tagapagdaloy:

Malugod na pagtanggap sa asignaturang **Filipino 5 ng *Alternative Delivery Mode (ADM)* Modyul para sa araling Pagsulat ng Isang Maikling Tula, Talatang Nagsasalaysay at Talambuhay!**

Ang modyul na ito ay pinagtulungang dinisenyo, nilinang at sinuri ng mga edukador mula sa pambuliko at pampribadong institusyon upang gabayan ka, ang gurong tagapagdaloy upang matulungang makamit ng mag-aaral ang pamantayang itinakda ng Kurikulum ng K to12 habang kanilang pinanagumpayan ang pansarili, panlipunan at pang-ekonomikong hamon sa pag-aaral.

Ang tulong-aral na ito ay umaasang makauugnay ang mag-aaral sa mapatnubay at malayang pagkatuto na mga gawain ayon sa kanilang kakayahan, bilis at oras. Naglalayon din itong matulungan ang mag-aaral upang makamit ang mga kasanayang pan-21 siglo habang isinasaalang-alang ang kanilang mga pangangailangan at kalagayan.

Bilang tagapagdaloy, inaasahang bibigyan mo ng paunang kaalaman ang mag-aaral kung paano gamitin ang modyul na ito. Kinakailangan ding subaybayan at itala ang pag-unlad nila habang hinahayaan silang pamahalaan ang kanilang sariling pagkatuto. Bukod dito, inaasahan mula sa iyo na higit pang hikayatin at gabayan ang mag-aaral habang isinasagawa ang mga gawaing nakapaloob sa modyul.

Para sa mag-aaral:

Malugod na pagtanggap sa asignaturang **Filipino 5 ng Alternative Delivery Mode (ADM) Modyul para sa araling Pagsulat ng Isang Maikling Tula, Talatang Nagsasalaysay at Talambuhay!**

Ang modyul na ito ay ginawa bilang tugon sa iyong pangangailangan. Layunin nitong matulungan ka sa iyong pag-aaral habang wala ka sa loob ng silid-aralan. Hangad din nitong madulutan ka ng mga makabuluhang oportunidad sa pagkatuto.

Ang modyul na ito ay may mga bahagi at icon na dapat mong maunawaan.



Alamin

Sa bahaging ito, malalaman mo ang mga dapat mong matutuhan sa modyul.



Subukin

Sa pagsusulit na ito, makikita natin kung ano na ang kaalaman mo sa aralin ng modyul. Kung nakuha mo ang lahat ng tamang sagot (100%), maaari mong laktawan ang bahaging ito ng modyul.



Balikan

Ito ay maikling pagsasanay o balik-aral upang matulungan kang maiugnay ang kasalukuyang aralin sa naunang leksyon.



Tuklasin

Sa bahaging ito, ang bagong aralin ay ipakikilala sa iyo sa maraming paraan tulad ng isang kuwento, awitin, tula, pambukas na suliranin, gawain o isang sitwasyon.



Suriin

Sa seksyong ito, bibigyan ka ng maikling pagtalakay sa aralin. Layunin nitong matulungan kang maunawaan ang bagong konsepto at mga kasanayan.



Pagyamanin

Binubuo ito ng mga gawaing para sa malayang pagsasanay upang mapagtibay ang iyong pang-unawa at mga kasanayan sa paksa. Maaari mong iwasto ang mga sagot mo sa pagsasanay gamit ang susi sa pagwawasto sa huling bahagi ng modyul.



Isaisip

Naglalaman ito ng mga katanungan o pupunan ang patlang ng pangungusap o talata upang maproseso kung anong natutuhan mo mula sa aralin.



Isagawa

Ito ay naglalaman ng gawaing makatutulong sa iyo upang maisalin ang bagong kaalaman o kasanayan sa tunay na sitwasyon o realidad ng buhay.



Tayahin

Ito ay gawain na naglalayong matasa o masukat ang antas ng pagkatuto sa pagkamit ng natutuhang kompetensi.



Karagdagang Gawain

Sa bahaging ito, may ibibigay sa iyong panibagong gawain upang pagyamanin ang iyong kaalaman o kasanayan sa natutuhang aralin.



Susi sa Pagwawasto

Naglalaman ito ng mga tamang sagot sa lahat ng mga gawain sa modyul.

Sa katapusan ng modyul na ito, makikita mo rin ang:

Sanggunian

Ito ang talaan ng lahat ng pinagkuhanan sa paglikha o paglinang ng modyul na ito.

Ang sumusunod ay mahahalagang paalala sa paggamit ng modyul na ito:

1. Gamitin ang modyul nang may pag-iingat. Huwag lalagyan ng anumang marka o sulat ang anumang bahagi ng modyul. Gumamit ng hiwalay na papel sa pagsagot sa mga pagsasanay.
2. Huwag kalimutang sagutin ang *Subukin* bago lumipat sa iba pang gawaing napapaloob sa modyul.
3. Basahing mabuti ang mga panuto bago gawin ang bawat pagsasanay.
4. Obserbahan ang katapatan at integridad sa pagsasagawa ng mga gawain at sa pagwawasto ng mga kasagutan.
5. Tapusin ang kasalukuyang gawain bago pumunta sa iba pang pagsasanay.
6. Pakibalik ang modyul na ito sa iyong guro o tagapagdaloy kung tapos nang sagutin lahat ng pagsasanay.

Kung sakaling ikaw ay mahirapang sagutin ang mga gawain sa modyul na ito, huwag mag-aalinlangang konsultahin ang inyong guro o tagapagdaloy. Maaari ka rin humingi ng tulong kay nanay o tatay, o sa nakatatanda mong kapatid o sino man sa iyong mga kasama sa bahay na mas nakatatanda sa iyo. Laging itanim sa iyong isipang hindi ka nag-iisa.

Umaasa kami, sa pamamagitan ng modyul na ito, makararanas ka ng makahulugang pagkatuto at makakakuha ka ng malalim na pang-unawa sa kaugnay na mga kompetensi. Kaya mo ito!



Alamin



Kumusta? Nasasabik ako at muli tayong nagkita. Alam mo bang may bagong kaalaman na naman tayong matututuhan? Muli ako si Kokoy ang iyong kaibigan na sasama sa iyong paglalakbay. Inaasahan ko na sa pagtatapos ng ating paglalakbay ay magagawa mo ang mga sumusunod:

- Nalalaman mo ang mga elemento ng tula, bahagi ng talatang nagsasalaysay at nilalaman ng talambuhay;
- Nakasusulat ka ng maikling tula, talatang nagsasalaysay, at talambuhay; at
- Napapahalagahan ang pagsulat ng maikling tula, talatang nagsasalaysay at talambuhay nang may wastong baybay at bantas.

Tiyak kong patuloy mong isasagawa ng taos sa puso ang mga gawaing nakapaloob dito, bakit?, dahil batid kong magaling ka at walang inuurungang hamon kaya, *taralets* na!



Subukin



“Ako’y tutula mahabang-mahaba, Ako’y uupo tapos na po.”

Napangiti ka ano? Saan mo ba unang narining ang tulang ito? Sigurado ako narining mo na ito.

Ako, Oo bago kami turuan tumula noong nasa baitang apat iyan muna ang una kong natutuhan. Nagbibiruan pa nga kaming magkakaklase noon.

Kung hindi man, ito na ang magandang pagkakataon tuturuan kitang tumula sa ating paglalakbay.

May una muna akong pagsubok sa iyo.

- A. Magpatulong sa isa sa mga miyembro ng inyong pamilya. Basahin nang salitan at unawain ninyong mabuti ang tula..

Hambingang Magkatulad

Ay naku, Pompong!
Kasimbagal mo ang pagong, Lagi kang
naiiwan
Sa anumang lakaran.

Mas mabuti pa sa iyo si Muning Naiinis na ang
kaniyang mga kuting.
Eh, ikaw tanghali na sa higaan,
Magkasingkupad kayo ni Kalakian!

Ugaling pangit sana'y iyong baguhin, Mas
maraming tao sa iyo'y magigiliw.
Lalong mataas aking maaangkin, Higit na
maunlad bukas na darating.

Panuto: Sagutin ang mga sumusunod na tanong batay sa inyong binasa.
Isulat ang sagot sa sagutang papel.

1. Anong uri ng tula ang nasa itaas?
 - A. tradisyonal
 - B. malayang taludturan
 - C. may sukat, walang tugma
 - D. may tugma, walang sukat
2. Anong elemento ang nakapaloob sa tula?
 - A. sukat
 - B. tugma
 - C. kariktan
 - D. talinghaga
3. Alin sa mga sumusunod ang tema ng tula?
 - A. pagkamaawain
 - B. pagkamasinop
 - C. pagkuukunwari
 - D. pagkamaawain
4. Anong simbolismo ang makikita sa tula nangangahulugang katamaran?
 - A. lakaran

- B. higaan
- C. magigiliw
- D. ugaling pangit

5. Si Pompong ay bahagi ng tulang napabilang sa_____
- A. tema
 - B. tugma
 - C. imahe
 - D. persona

- A. Basahin at unawaing mabuti ang kasunod na talata. Pagkatapos, piliin ang titik ng wastong sagot at isulat sa sagutang papel.

Talata A

Ang pamilyang Pilipino ay isang napakahalagang institusyon. Sa gitna ng maraming suliranin, dapat umiral ang pagmamahalan, pagkakaisa at pagtutulungan upang lalong tumibay ang pagsasamahan ng isa't isa. Ano mang problema ang dumating, kailangang mapanatiling buo at matatag ang pamilya. Bukod dito biyaya ng Diyos ang ating pamilya kaya't patuloy mong ingatan

<https://lrmds.deped.gov.ph/detail/6854>

Piliin ang letra ng tamang sagot sa mga sumusunod. Isulat ang sagot sa sagutang papel.

1. Alin sa mga sumusunod na pamagat ang angkop sa binasang talata?
- A. Ang Pamilyang
 - B. Ang Pamilya Pilipino
 - C. Ang Problema sa Pamilya
 - D. Biyaya ng Diyos ang Pamilya

Talata B

Isa sa mga katangiang maipagmamalaki nating mga Pilipino ay ang mabuti nating pagtanggap sa mga panauhin. Kapag ang isang pamilya ay may inaasahang panauhin, bawat isa ay abala sa paghahanda. Sila'y naglilinis at nag-aayos ng kabahayan. Nagluluto ang pamilya ng masarap na pagkain at naghahanda ng maraming prutas at inumin. Pinagkakaabalahan din nila kung ano ang maipauuwing pasalubong ng panauhin.

<https://lrmds.deped.gov.ph/detail/6854>

2. Alin sa mga sumusunod na pamagat ang paksang-diwa ng talata?
- A. Ang mga Pilipino ay mapagmahal.
 - B. Ang mga Pilipino ay may kani-kaniyang pamamaraan.
 - C. Ang mga Pilipino ay malikhain sa iba't ibang larangan.
 - D. Ang mga Pilipino ay masigasig sa sining at mapagmahal sa kapuwa.

Talata C

Isa sa mga tradisyon nating mga Pilipino ay ang kapistahan. Ang bawat lugar sa ating bansa ay may kapistahang ipinagdiriwang bilang pasasalamat sa kanilang patron. Sa pagdiriwang na ito nakikita ang bayanihan. Ang ilan ay nag-aamabag-ambag para may panghanda sa mesa bilang pagpapatunay ng kanilang pagkamapagbigay at pagkamatulungin. Ang bayanihan ay ang pagtutulungan ng mga tao para sa isang gawain. May mga kababayan pa rin tayong sumusunod sa ganitong tradisyon lalo na sa mga lalawigan..

<https://lrmds.deped.gov.ph/detail/6854>

3. Alin sa mga sumusunod ang paksang pangungusap sa itaas?

- A. Isa sa mga tradisyon nating mga Pilipino ay ang kapistahan.
- B. Ang bawat lugar sa ating bansa ay may kapistahang ipinagdiriwang bilang pasasalamat sa kanilang patron.
- C. Ang bayanihan ay ang pagtutulungan ng mga tao para sa isang gawain.
- D. May mga kababayan pa rin tayong sumusunod sa ganitong tradisyon lalo na sa mga lalawigan.

Talata D

Si Melchora Aquino ay ipinanganak noong ika-6 ng Enero, 1821. Ang kanyang mga magulang ay sina Juan Aquino at Valentina Aquino. Noong kabataan niya ay madalas siyang maimbitahan sa kanilang parokya upang umawit lalong-lalo na sa mga araw ng pabasa. Hinirang rin siyang Reyna Elena ng Santakrusan. Kahit na walumpu't tatlong taon-gulang na si Tandang Sora, ito ay hindi naging hadlang sa kaniyang paglilingkod sa bayan. Lihim niyang <https://lrmds.deped.gov.ph/detail/1421> tinulungan ang mga katipunerong maysakit at nagugutom.



<https://lrmds.deped.gov.ph/detail/6854>

4. Alin sa mga sumusunod ang ipinahahayag sa akda?

- A. kabuhayan ng isang tao
- B. buhay ng isang bayani
- C. kasaysayan ng bansa
- D. kinabukasan ng lipunan

5. Ang akda ay halimbawa ng _____

- A. tula
- B. dula
- C. kuwento
- D. talambuhay

Aralin

1

Pagsulat ng Maikling Tula, Talatang Nagsasalaysay at Talambuhay



Likas sa ating mga Pilipino ang pagiging romantiko. Isang magandang halimbawa nito ay ang panghaharana. Kapag nanliligaw ang mga lalake sa mga babae bumubuo ang mga ito ng awit. Inaalay ng mga lalake sa babaeng pinupuntahan sa kanilang bahay at inaawit ito. Pinapatunayan nito na talagang seryoso ang lalake sa panliligaw sa mga babae. Mas maganda kung tanungin natin ang ating mga lolo at lola o di kaya, ang iyong tatay at nanay kung nakaranas sila ng ganoon.

Sisikapin nating may makukuha tayong impormasyon tungkol sa nasabing karanasan.



Balikan



Ngayon, alalahanin natin mula sa sagot ng ating nakausap na lolo/lola, o tanay/nanay tungkol sa paraan ng panliligaw sa kanilang kapanahunan. Malamang ang sinabi nila sa iyo na nakabuo sila ng awit dahil may INSPIRASYON sila. Totoo iyan makabubuo tayo ng isang awit kung mayroon tayong inspirasyon. Maaaring nagugustuhan o isang magandang pangyayari sa ating buhay. Pero siyempre bago pang maging awit, isinulat muna ito ng malaya at saka naging tula.

Balikan natin kung ano ang tula? Tungkol saan ang mga ito? Sige nga't hanapin natin sa loob ng *puzzle* ang maaaring paksa nito. Isulat ang sagot sa sagutang papel.

P	A	G	I	B	I	G	N	H	N
A	A	D	O	G	N	L	M	B	M
B	G	M	U	S	R	N	L	G	L
K	M	A	I	D	L	B	M	L	M
H	N	M	G	L	N	D	L	U	L
K	A	B	U	H	Y	Y	A	N	A
H	K	A	B	U	H	A	Y	A	N
K	A	I	B	I	G	A	N	S	S
K	A	R	A	N	A	S	A	N	N



Tuklasin



Tara na't basahin mo ang tula at tingnan natin
kung makakakuha tayo ng inspirasyon dito.
Ang taong malusog, lubhang masayahin
Matalas ang isip at hindi sakitin
Katawa'y maganda at hindi patpati
Pagkat alam niya ang wastong pagkain
Lusog ng katawan na kinakain
Ang gulay at prutas, dapat na piliin
Sa dilis at gulay, sa puso ng saging
Lalakas ang buto, titibay ang ngipin

Panuto: Sagutin ang sumusunod na mga tanong. Isulat ang sagot sa sagutang papel.

1. Ano ang tema ng tula?

2. Bakit kailangang kumakain ng wastong pagkain?

3. - 5Itala ang mabubuting resulta ng pagiging malusog?



Suriin



Sa pagkakataong ito, pagkuwentuhan naman natin kung ano tula; Mga elemento, halimbawa at bahagi. Suriin na rin natin kung ano ang Talatatang Nagsasalaysay- Mga katangian at bahagi rin nito.

Tula

Ang **panulaan o tula** ay isang uri ng sining at panitikan na kilala sa malayang paggamit ng wika sa iba't-ibang anyo at istilo. Pinagyayaman ito sa pamamagitan ng paggamit ng tayutay. Ang mga likhang panulaan ay tinatawag na tula. Madaling makilala ang isang tula sapagkat karaniwan itong may batayan o *pattern* sa pagbigkas ng mga huling salita.

Ang **tula** ay nagpapahayag ng magagandang kaisipan at pananalita sa pamamagitan ng mga taludtod. Ang kalipunan ng mga taludtod ay tinatawag na taludturan o saknong. Ito ay nagpapahayag ng damdamin at kaisipan gamit ang maririkit na salita.

Mga Anyo ng Tula

Ang mga anyo ng tula ay maaaring i-uri sa apat na anyo – malayang taludturan, tradisyunal, may sukat na walang tugma, at walang sukat na may tugma.

1. **Malayang taludturan** - tulang hindi sumusunod sa bilang ng pantig, walang sukat at tugma o sintunog, *free verse poetry* ang tawag nito sa Ingles.

Halimbawa:

“Pandesal sa Umaga”

*Tuwing umaga si Nena ay nagtitinda,
Isang araw, mabibili din kita,” sambit niya. (google.com. brainly.ph)*

2. **Tradisyunal** – nagtataglay ng magkakatatugmang salita sa hulihan o dulo ng bawat taludtod o linya sa bawat saknong.

Halimbawa:

*Aling pag-ibig pa/ ang hihigit kaya Sa pagkadalisan/ at pagkadakila
Gaya ng pag-ibig/ sa tinubuang lupa? Aling pag-ibig pa/ wala na nga,
wala.*

May sukat na walang tugma - pareho ang bilang ng pantig sa bawat taludtod ngunit hindi magkakasintunog ang bawat dulo o walang tugma

Halimbawa:

*O, Laura kong maganda! Lagi kang nasa isip
Di man lamang nawaglit, Dahil ika’y inibig! -J. Guinoo*

3. **Walang sukat na may tugma**- iba-iba ang bilang ng pantig sa bawat taludtod subalit magkakasintunog ang huling bahagi ng bawat taludtod.

Halimbawa:

*Kay gandang pagmasdan,
Bughaw na kalangitan,
Paligid ay luntian,
Sadyang kaaya-ayang tingnan! -J. Guinoo*

Mga Elemento ng Tula

1. Sukat - tumutukoy sa bilang pantig sa bawat taludtod
2. Tugma – pagkakapareho ng tunog sa huling bahagi ng isang taludtod
3. Karikitan – maririkit na salita na ginagamit upang masiyahan ang mga mambabasa na kalimitang nagtataglay nang malalim o matalinghagan kahulugan
4. Talinghaga – mga salitang nagtataglay ng nakatagong kahulugan ng tula

Mga Bahagi ng isang Tula

1. Tema – ito ang paksa ng tula. Ito ay maaaring tungkol sa pag-ibig, nasyonalismo, kabayanihan, kalayaan, katarungan, pagmamahal sa kalikasan, Diyos, bayan at marami pang iba.
2. Tugma – ito ang pagkakahawig o pagkakapareho ng tunog ng huling salita sa bawat saknong.
3. Sukat – bilang ng pantig sa bawat taludtod

Uri ng Sukat

- a. Wawaluhing pantig
- b. Lalabindalawahing pantig
- c. Lalabing-animang pantig
- d. Lalalabingwaluhing pantig

Sa pagsusuri ng tula, Mahalagang sangkap ang mga sumusunod:

Imahe o larawang-diwa – tinatawag itong *imagery* sa Ingles. Ito ang mga salitang kapag binabanggit sa tula ay nag-iiwan ng malinaw at tiyak na larawan sa isipan ng mambabasa.

Persona – tumutukoy sa nagsasalita sa tula

Tono – ito naman ay ang namamayaning damdamin sa loob ng tula. Ito ay nangungutya, nagagalit, nagdaramdam, nagdadalamhati, naglalahad at natutuwa.

Simbolismo – ito ay mga makabuluhang salita na nagpapasidhi sa guniguni ng mga mambabasa. Mga ginagamit na bagay na may isinasaad na kahulugan. Halimbawa: puting tela – kalinisan, kalapati – kalayaan

Talata

Ang **talata** ay binubuo ng isang pangungusap o lapon ng mga pangungusap na naglalahad ng isang bahagi ng buong pagkukuro, palagay o paksang diwa.

Ang **talatang nagsasalaysay** ay binubuo ng mga pangungusap na naglalayong magkuwento ng karanasan, nabasa, nasaksihan, narinig o napanood.

Ito rin ay talatang nagsasaad ng mga pangyayari o karanasan upang makapagbigay ng damdamin sa mambabasa.

Mga Katangian ng Mabuting Talata

1. May kaisahan. Ang mga pangungusap ay umiikot lamang sa iisang diwa. Kailangang lahat ng pangungusap ay magkatulung-tulong na mapalitaw ang kaisipang nais palabasin.

Halimbawa

May iba't ibang klase ng pamilya sa mundo. May pamilyang dalawa ang magulang, may ilan na isa lamang habang ang iba'y mahigit pa sa dalawa ang kinikilalang magulang. Samantalang may mga pamilyang may iisang anak lamang, ang iba'y higit pa sa isa habang ang ilan nama'y hindi nabiyayaan ng anak.

a. Ano ang pangunahing diwa o paksang pangungusap ng talata?

Sagot: May iba't-ibang klase ng pamilya sa mundo.

b. Anu-anong pangungusap ang sumusuporta sa pangunahing diwa?

- May pamilyang dalawa ang magulang, ang ilan ay isa lamang habang ang iba'y mahigit pa sa dalawa ang kinikilalang magulang.
- May mga pamilyang may iisang anak lamang, ang iba'y higit pa sa isa habang ang ilan nama'y hindi nabiyayaan ng anak.

Ang mga pangungusap sa talata ay naglalahad ng iba't ibang klase ng pamilya sa mundo. Samakatuwid, ang mga pangungusap na ginamit ay may kaisahan.

2. May kaugnayan. Kailangang magkakaugnay ang mga pangungusap upang magpatuloy ang daloy ng diwa mula sa simula hanggang sa katapusan ng pahayag. Balikan mo ang halimbawang talata. Magkakaugnay ba ang mga pangungusap? Tama, magkakaugnay ang mga pangungusap dahil ang mga ito ay sumusuporta sa pahayag ng pagkakaiba-iba ng pamilya sa mundo.

3. Tama lang ang haba. Ang mahusay na talata ay tama lang ang haba. Iwasan ang maikli at paudlot-udlot na talata, gayundin ang sobrang haba para maging kawili-wili sa mambabasa.

4. May wastong mekanismo. Ang mahusay na talata ay may wastong mekanismo sa pagsulat. Binibigyang pansin nito ang palugit, panipi sa diyologo, wastong baybay, paggamit ng malaki at maliit na titik, gitling at iba pa.

Dapat may pasok o indensiyon sa panimula ng talata. Ito ay dapat isang pulgada (*1 inch*) mula sa palugit (*margin*) kung sulat kamay o limang espasyo kung makinilyado.

Kung may diyologo, dapat nakabukod o hiwalay sa talata upang makita ang palitan ng salitaan. Ihiwalay sa punong talata ang pagsulat ng tuwirang sipi (*direct quotation*)

Mga Bahagi ng Talata

1. Panimulang Pangungusap o Introduksiyon. **Ang isang mabuting panimulang pangungusap ay nagtataglay ng mga sumusunod na katangian**

- a. Sinisimulan ang talata
- b. Tumatawag ng pansin sa bumabasa
- c. Nagpapahiwatig ng nilalaman ng talata
- d. Humihikayat sa bumabasa para magtanong tungkol sa paksa

2 Gitnang Pangungusap o Katawan. Ang mga pangungusap na magkakaugnay na sumusunod sa panimulang pangungusap.

3. Pangwakas na Pangungusap o Konklusiyon. Ang pangungusap na ito ang nagbibigay ng huling detalye, buod ng talata o maaaring nagbibigay ng opinyon sa paksa ng talata.

Ang talata ay maaaring buoin ng isang pangungusap lamang.

Halimbawa ng talatang nagsasalaysay:

Pistang-Bayan

Napakasaya ng pistang-bayan sa aming lalawigan. Tatlong araw bago pa man dumating ang araw ng kapistahan ay pinaghahandaan na ang pagdiriwang na ito. May mga tugtugan, awitan, sayawan at iba't ibang palaro. May parada pa na pinangungunahan ng banda. Kasama sa parada ang mga naggagandahang dalaga na nakasakay sa karwahe.

Sa ikatlong araw ay may misang-bayan. Ang mga tao ay sabay-sabay na nagpupunta sa simbahan upang magpapasalamat sa mga biyayang natanggap. Sila rin ay nagdadasal sa Mahal na Patron para sa kapayapaan sa aming lugar.

Ang bawat tahanan ay may mga handang masasarap na pagkain. Mangyari, ang iba't ibang bisita mula sa ibang lugar ay masisiyahan, kaya

Ang **talambuhay** ay salaysay ng mga pangyayari sa buhay ng isang tao, mula sa kaniyang kapanganakan hanggang sa kasalukuyan, o hanggang sa kaniyang kamatayan. Inilalahad sa talambuhay kung paano napagtatagumpayan ng tao ang mga hamon na kaniyang pinagdaanan.

Sa pagsulat ng talambuhay, maaaring ilagay ang sumusunod na mga detalye:

- Pangalan:
- Kapanganakan: (Kailan at saan siya ipinanganak?)
- Pamilya: (Mga magulang, kapatid, asawa, anak at iba pa?)
- Edukasyon: (Saan siya nag-aral? Kursong natapos?)
- Trabaho: (Saan siya nagtatrabaho?)
- Mga Hamon at Tagumpay: (Hamon sa buhay? at Paano ito hinarap?)

Basahin ang halimbawa ng talambuhay:

Cayetano Arellano: Ang Talambuhay

Si Cayetano Arellano ay ipinanganak sa Orion, Bataan noong Marso 2, 1897. Sa gulang na limang taon, isinama siya ng isang paring Dominiko sa Maynila. Ginawa siyang katulong sa Colegio de San Juan de Letran upang makapag-aral.

Dahil sa taglay na talino, laging nangunguna si Cayetano sa kaniyang mga kaklase na pawang anak-mayaman. Marunong magbadyet si Cayetano ng kaniyang mga oras sa mga gawain at sa pag-aaral.

Sa gulang na 15 taon ay natapos niya ang *Bachelor of Philosophy* sa Letran. Nakuha niya ang *Bachelor of Law* noong 1897 sa Unibersidad ng Santo Tomas. Noong 1899 ay nahirang siyang Punong Hukom ng Korte Suprema ng dating Pangulong William McKinley. Ipinadala siya sa isang panayam ng mga hukom mula sa iba't ibang bansa noong 1904. Napagkaisahan nilang ganapin ang *International Congress of Jurist* sa St. Louis.


Sa mesang kaharap ni Cayetano sa loon ng pulungan at nakasulat ang bansang kaniyang kinatawan – Amerika. Nagtataka ang mga delegadong naroon. Si Cayetano ay may kayumangging balat na may katamtamang laki ng pangangatawan. Ang inaasahan ng mga delegado ay isang hukom na Amerikano.

Malaki ang paghanga at pagtitiwala ng dating Pangulong Theodore Roosevelt ng Amerika kay Cayetano. Siya ay pinili pagkat balita hanggat Amerika ang kaniyang pambihirang katalinuhan lalo na sa kaalaman ng batas.

Nang magsalita si Cayetano sa pulong na iyon ay nagtatanong muna siya, “Anong wika ang nais ninyong gamitin ko? Espanyol? Latin? Ingles?” Ginamit niya ang wikang Latin pagkat maraming delegado ang nakauunawa nito. Walang patid na palakpakan ang iginanti sa kaniyang talumpati. Pinakamaganda at pinakamalaman ang kanilang narinig.

Noon din ay nakilala ang Pilipinas sa buong mundo dahil kay Cayetano Arellano. Itinuring siyang isang pinakadakilang hukom na Pilipino.

Pinatunayan ni Cayetano Arellano na ang kahirapan ay hindi hadlang sa pag-aaral.



Pagyamanin

Tiyak kong lalo mo nang naunawaan kung papaanong bumuo ng epektibong talata, tula at talambuhay.

Gawain 1

Panuto: Sumulat ng isa o dalawang saknong na tula tungkol sa paksang nais mo. Pumili lamang ng isa sa mga uri ng tula. Isulat ang sagot sa sagutang papel.

Malayang taludturan
Tradisyunal
May sukat na walang tugma
Walang sukat na may tugma

Pamagat

Gawain 2

Panuto: Sumulat ng isa o dalawang talatang nagsasalaysay tungkol sa paksang nais mo. Isulat ang sagot sa sagutang papel.

Pamagat

Gawain 3

Panuto: Isulat ang iyong talambuhay. Isulat ang sagot sa sagutang papel.

Pamagat



Isaisip

Ngayon, alalahanin natin!

Punan ng wastong impormasyon ang sumusunod na talahanayan.

A.

MGA ARALING AKING NATUTUHAN	
ANO-ANO ANG MGA NATUTUHAN KO SA MGA SUMUSUNOD?	GAANO ITO KAHALAGA?
A. TULA	
B. TALATA	
C. TALAMBUHAY	

B. Punan ang patlang ng nawawalang salita upang mabuo ang diwa ng mga pahayag. Isulat ang sagot sa sagutang papel

1. Ang _____ ay akdang naglalarawan ng madamdaming pahayag at binibigkas nang masining o puno ng damdamin. Hindi ito katulad ng ibang akdang tuloy-tuloy na isinusulat o binabasa. Ito ay maaaring may sukat o malayang taludturan.
2. Ang _____ ay binubuo ng isang pangungusap o lipon ng mga pangungusap na naglalahad ng isang bahagi ng buong pagkukuro, palagay o paksang diwa.
3. Ang _____ ay binubuo ng mga pangungusap na naglalayong magkuwento ng karanasan, nabasa, nasaksihan, narinig o napanood.
4. Ang _____ ay isang anyo ng panitikang nagsasaad ng kasaysayan, impormasyon, mga tala at pangyayaring hango sa tunay na buhay ng isang tao.



Isagawa

Basahin at unawaing mabuti ang nakalahad na talambuhay. Pagkatapos punan ng wastong impormasyon ang kahon sa gawing ibaba. Isulat ang sagot sa sagutang papel.

Ang Dakilang Paralitiko: Talambuhay

Taga-Tanauan, Batangas ang tinaguriang Dakilang Paralitiko at Utak ng Katipunan. Si Apolinario Mabini ay pangalawa sa walong anak nina Inocencio Mabini at Dionesia Maranan. Ipinanganak siya noong Hulyo 23, 1864.

Hindi naging hadlang ang kahirapan ng kanilang pamilya upang magtagumpay siya sa pag-aaral. Taong 1887 nang makatapos siya ng kursong edukasyon at abogasiya ng taong 1894. At naging ganap na abogado noong 1895.

Nagkasakit siya ng *polio* na naging sanhi ng kaniyang pagiging paralitiko. Ngunit katulad ng kahirapan, hindi ito naging hadlang upang magsilbi sa bayan at sa kaniyang kapwa Pilipino.

Naging matapat at mabuti siyang tagapayo ni Emilio Aguinaldo sa panahon ng Digmaang Pilipino-Amerikano. Isa siya sa naging instrumento sa pagkakatatag ng sistemang politikal sa bansa, ang pagtatag ng barangay, munisipyo, lalawigan at pagkakatatag ng hudikatura sa bansa. Siya rin ang Punong Ministro ng bansa nang magsama-sama ang mga rebolusyonaryo sa Malolos, Bulacan. At dahil dito, tinagurian siyang “Utak ng Rebolusyon”.

Nagsulat si Mabini ng mga artikulo na humihingi ng pagbabago sa mga Amerikano na naging dahilan ng kaniyang pagkakabilanggo noong Setyembre 10, 1899. Nang mapalaya noong Setyembre 20, 1900, ipinagpatuloy niya ang kaniyang pagsusulat sa isang lokal na pahayagan at nanirahan sa Nagtahan, Maynila. Dahil sa kaniyang mapangahas na mga artikulo, tuluyan siyang ipinatapon ng mga Amerikano sa Guam noong Enero 5, 1901. Ngunit sa labis na pagmamahal at pagmamalasakit sa bayan, bumalik siya sa bansa at napilitang mangako ng katapatan sa Amerika noong Pebrero 26, 1903.

Namatay siya noong May 13, 1903, sa edad na 39 dahil sa sakit na kolera.

Tao	
Petsa at araw ng kapanganakan	
Pangyayari sa kaniyang kabataan	
Edukasyon	
Pangyayari sa kanyang paglaki	
Naiambag sa Pilipinas	



Tayahin

A. Sumulat ng isang tula na binubuo ng apat (4) na taludtod kung saan ang bawat taludtod ay may labindalawang (12) pantig. Gawing gabay ang pamantayan sa ibaba. Gawin ito sa sagutang papel.

B. Sumulat ng isang talatang nagsasalaysay tungkol sa iyong masayang karanasan. Gawing gabay ang rubrik sa ibaba.

**Rubriks sa Pagsulat ng Talatang
Nagsasalaysay**

Napakahusay (4)	Mahusay (3)	Mahusay-husay (2)	Kailangan pang Magsanay (1)
May kaisahan ang mga pagsasalaysay.	May kulang para sa kaisahan ang mga pagsasalaysay.	May kaguluhan kaya kulang sa kaisahan ang mga pagsasalaysay.	Walang Kaisahan ang mga pagsasalaysay.
Magkakaugnay ang lahat ng detalye ng sumusuporta sa kaisipan o paksa.	May ilang detalye na hindi kaugnay ng kaisipan o paksa.	Hindi gaanong magkakaugnay ang mga detalye kaya may kalabuan ang kaisipan o paksa.	Hindi magkakaugnay ang mga detalye kaya hindi tiyak ang kaisipan o paksa.
Napakahusay at napakalinaw ng mga pagsasalaysay.	Mahusay at malinaw ang mga pagsasalaysay.	May kalabuan ang ilang pagsasalaysay.	Malabo ang pagsasalaysay.
Sapat ang detalye at angkop ang mga salita/pangungusap na ginamit sa pagbuo ng talata.	May sapat na detalye ngunit kulang ang salita/pangungusap na ginamit sa pagbuo ng talata.	Maligoy ang mga detalye at may mga salita/pangungusap na hindi angkop sa talata	Walang gaanong detalye at hindi angkop ang mga salita/pangungusap.
Malinis at maayos ang pagkakasulat ng talata.	Maayos ang pagkakasulat ng talata.	Kulang sa linis at ayos ang pagkakasulat ng talata.	Magulo at marumi ang pagkakasulat ng talata.

Puntos

18-20
13-17

Kahulugan

Napakahusay
Mahusay

Puntos

8-12
5-7

Kahulugan

Mahusay-husay
Kailangan pang
Magsanay

C. Pumili ng isang tao na iyong hinahangaan dahil sa kaniyang katatagan sa pagharap sa problema sa buhay. Sumulat ng talambuhay na may pito hanggang sampung pangungusap na naglalaman ng sumusunod na detalye tungkol sa kaniya. Gawin ito sa sagutang papel.

1. Pangalan
2. Kapanganakan (Lugar at Petsa)
3. Pamilya (mga magulang at kapatid)
4. Pag-aaral
5. Trabaho
6. Mahalagang Pangyayari sa Buhay

Rubriks sa Pagsulat ng Talambuhay

	5	4	3	2	1
NILALAMAN					
- Pagsunod sa uri at anyo ng hinihingi					
- Lawak at lalim ng pagtalakay					
BALARILA					
- Wastong gamit ng wika/salita					
- Baybay, bantas, estruktura ng mga pangungusap					
ORGANISASYON					
- Lohikal na pagkakaayos/daloy ng mga ideya					
- Pagkakaugnay ng mga ideya					

5 - pinakamahusay

4 - mahusay

3-katanggap-tanggap

2 - mapaghuhusay pa

1 - nangangailangan pa ng mga pantulong na pagsasanay



Karagdagang Gawain



Magaling at kinaya mo!

Kung mayroon ka mang kamalian, muli mong balikan ang iyong mga naging kasagutan at pagbalik-aralan mo ito upang maunawaan kung bakit iyon ang tamang kasagutan.

Muli mong sagutin ang inihanda kong gawain upang mapalawak pang lalo ang iyong kaalaman.

Halo letra:

Ayusin ang mga sumusunod na letra sa hanay A upang mabuo sa hanay B.
Isulat ang sagot sa sagutang papel.

A

1. mablayuhat
2. ulta
3. altata
4. taltanag agysnsalayasa

B



Susi sa Pagwawasto

<p>TUKLASIN</p> <ol style="list-style-type: none"> 1. Mabuting pangangatwiran 2. Upang maging malusog 3. Matatas ang isip 4. Lalakas ang buto 5. Titbay ang ngipin 	<p>BALIKAN</p> <p>Maaaring hindi magkasuno-sunod Pag-ibig (pagibig) Pamilya Kaibigan Kabuhayan karanasan</p>	<p>SUBUKIN</p> <ol style="list-style-type: none"> 1. A 2. C 3. A 4. B 5. D
--	---	--

<p>PAGYAMANIN</p> <p>Nakadepende sa sagot ng mga mag-aaral ang iskor para sa Gawain 1, 2, at 3</p> <p>ISAISIP</p> <p>A NAKADEPENDE SA SAGOT NG MGA MAG-AARAL ANG PAGIBIGAY NG ISKOR</p> <p>B. 1. tula 2. talata 3. talatang nagsasalaysay 4. talambuhay</p>

<p>KARAGDAGANG GAWAIN</p> <ol style="list-style-type: none"> 1. talambuhay 2. tula 3. talata 4. talatang nagsasalaysay 	<p>TAYAHIN</p> <p>Ibabatay sa rubriks ang sagot ng mag-aaral</p>	<p>ISAGAWA</p> <p>Ibabatay sa rubriks ang sagot ng mag-aaral</p>
---	---	---

Sanggunian

MELCS 2020-2021 pahina 19

<https://lrmds.deped.gov.ph/detail/1421>

<https://lrmds.deped.gov.ph/detail/6854>

Agarrado, Patricia Jo C., Maricar L. Francia, Perfecto R. Guerrero III at Genaro R. Gojo Cruz, Alab Filipino Batayang Aklat, Quezon City: Vibal Group, Inc., 2016

Agarrado, Patricia Jo C., Maricar L. Francia, Perfecto R. Guerrero III at Genaro R. Gojo Cruz, Alab Filipino Manwal ng Guro, Quezon City: Vibal Group, Inc., 2016

Kto12 Filipino 5 Gabay Pangkurikulum, Mayo 2016 p. 96

Lalunio, Lydia P. Ph.D at Ma. Victoria A. Gugol. Hiyas sa Pagbasa 4, Quezon City, LG&M Corporation, 2014

Lalunio, Lydia P. Ph.D. at Francisa A. Gil. Hiyas sa Wika, Quezon City, SD Publications, Inc, 2014.

Para sa mga katanungan o puna, sumulat o tumawag sa:

Department of Education - Bureau of Learning Resources (DepEd-BLR)

Ground Floor, Bonifacio Bldg., DepEd Complex
Meralco Avenue, Pasig City, Philippines 1600

Telefax: (632) 8634-1072; 8634-1054; 8631-4985

Email Address: blr.lrqad@deped.gov.ph * blr.lrpd@deped.gov.ph